

SHWBIZ KLIP

BON DIA



Dia di San Valentino

Lo ta romantico, apetitoso bou strea y luna cla...presenta pa Edjean Semeleer



caba na CD and More na Cumana, Magic 96.5 FM y por haci reservacion tambe na tel: 5633333. Den vista cu e espacio e intimidad di e evento aki, e cuponan ta hopi limita, pa cual ta wordo pidi encarecidamente pa cumpra bo carchi of haci bo reservacion na tempo.

Preparacionnan ta cla pa diahuebs otro siman, e dia cu nos tur ta celebra dia di San Valentino den grandi riba Renaissance Festival Arena unda cu tur hende lo wordo deleita pa un recital romantico presenta pa Edjean Semeleer bou di strea y briyo di luna. E evento special aki tambe ta consisti di un tremendo y delicioso seleccion di platonan prepara pa e miho chef di Aruba esta Chef Chino Kienfat di Renaissance Convention Center.

Celebra amor y amistad, disfrutando di un delicioso cena al estilo buffet, consistiendo di un seleccion amplio di cuminda italiano/mediterraneo pa scohe for di dje. Parti di e menu p'e anochi aki ya caba a wordo presenta den e programa di television "Ban Cushina" y e di dos parti lo wordo presenta e diadomingo aki, 11 Februari na Telearuba. Tambe durante e Dinner Show special aki, Colombian Emeralds lo ta regalando un

renchi di dede di diamante na un cabayero cu lo propone riba e anochi. Asina ta, si abo tin pensa pa propone riba e dia special y inolvidabel aki dilanti di tur esnan presente plus bo kier haci'e di un manera unico y diferente, bo por manda un E-mail na valentine@imedjean.com p'asina si bo tin suerte di ta esun cu lo propone cu e renchi di diamante unico aki di Colombian Emeralds. Aparte di e renchi di diamante aki, lo bai tin hopi otro regalo interesante mas pa esnan presente.

Sigur esaki lo bai ta un anochi magico y sumamente romantico, unda tur hende lo ta sinta den aire liber, disfrutando di e dushi biento tropical, banda di lama, bao di streanan cla cu luz di luna cu lo haci e momento uno hopi romantico. Un atmosfera cu ta cerca eventonan di Edjean Semeleer so bo por experiencia.

Manera nos tur sa, Edjean ya caba a demostra den pasado di presenta shownan di calidad

halto, tambe cu un ambiente unico y agradabel. E biaha aki lo no ta excepcion, pero como extra tur hende lo bai ta saboreando un dushi cena den compania di nan ser stima, cu chens di haya diferente regalonan pa complimenta e anochi aki y di mes di wordo entreteni pa un recital romantico acustico canta pa Edjean Semeleer.

Pa esnan cu kier tin un bista riba kiko e menu pa dia 14 Februari ta consisti por bishita www.myspace.com/edjeansemeleer unda bo lo haya un bista basta amplio di tur e platonan exquisito cu lo wordo sirbi e anochi romantico aki.

Pa e dia di San Valentino haci algo diferente, haci'e algo romantico, celebra dia di amor y amistad dia 14 Februari na Renaissance Festival Arena cu bo amistad y esun cu ta den bo curazon. Admision general ta solamente 100 Florin pa persona y ta obtenibel ya